

XEDAPEN OROKORRAK

INDUSTRIA, TRANTSIZIO ENERGETIKO ETA JASANGARRITASUNAREN SAILA

5258

EBAZPENA, 2025eko abenduaren 1ekoa, Industria Garapenaren eta Industria Administrazioaren zuzendariarena, zeinaren bidez onartzen baita ibilgailuen azterketa teknikoaren zerbitzuaren emakidadunek 2026. urtean ezar ditzaketen tarifen zerrenda eguneratua eta kontsolidatua.

Apirilaren 4ko 60/2000 Dekretuan (martxoaren 16ko 48/2004 Dekretuaren bidez aldatu zen), ibilgailu automobilen segurtasunaren arloko aztertze-, izapidetze- eta kudeatze-eginkizunak zehazten dira, eta adierazten da ibilgailuen azterketa teknikoaren zerbitzua ematen duten entitatei esleitu ahal zaizkiela eginkizun horiek.

Apirilaren 4ko 60/2000 Dekretuaren 7. artikulua honako hau ezartzen du: «Emakidadunek burutu ditzaketen azterketen tarifik dekretu hau garatzeko emandako xedapenetan aurreikusitakoak dira. Tarifok urtero eguneratuko dira ibilgailuen azterketaren alorrean arauak izan dezaten bilakaeraren, aurrerapen teknologikoaren eta, hala behar bada, kontsumoko prezioen indizeak izan ditzan aldaketan arabera».

Proiektu Estrategikoen eta Industria Administrazioaren zuzendariaren 2024ko azaroaren 20ko Ebazpenak ezartzen du ibilgailuen azterketa teknikoaren zerbitzu-emakidadunek zer tarifa eska ditzaketen gaur egun Euskal Autonomia Erkidegoan. Ebazpen hori 2024ko abenduaren 16ko Euskal Herriko Agintaritzaren Aldizkarian argitaratu zen, 243. zenbakian, eta Ekonomiaren Garapen, Jasangarritasun eta Ingurumeneko sailburuaren 2024ko urtarrilaren 16ko Aginduaren babesean eman zen, zeinak aldatzen baitu Ekonomiaren Garapeneko eta Azpiegituretako sailburuaren 2019ko abenduaren 9ko Agindua. 2024ko urtarrilaren 16ko Agindu horren bigarren xedapen gehigarriak haxe dio: «Industria-administrazioaren arloko zuzendari eskudunari ahalmena ematen zaio Euskal Autonomia Erkidegoaren eremuan zerbitzu-emakidadunek ibilgailuen azterketa teknikoaren arloan aplikatu beharreko tarifen zerrenda eguneratua eta kontsolidatua argitaratuko duen ebazpena emateko».

Era berean, Ekonomiaren Garapeneko eta Azpiegituretako sailburuaren 2019ko abenduaren 9ko Agindua honako hau aurreikusten du: «Ez bada horri buruzko agindurik ematen behar den urtean, orain eguneratutako tarifik urtero eguneratuko dira KPlaren gorabeheren arabera eta urte-tik urterako urriko indizea oinarritzat hartuta. Eguneratutako tarifik indarrean jarriko dira urtarrilaren 1etik aurrera». Bestalde, Ekonomiaren Garapen, Jasangarritasun eta Ingurumeneko sailburuaren 2024ko urtarrilaren 16ko Aginduaren bidez, eginbidearen tarifa sartu zen.

Azaldutako guztiagatik, kontuan hartutako zuzenbideko oinarriak eta oro har aplikatzekoak diren gainerako guztiak ikusita, eta Industria, Trantsizio Energetiko eta Jasangarritasunaren Sailaren egitura organikoa eta funtzionala ezartzen duen abenduaren 3ko 410/2024 Dekretuaren 12. artikuluan oinarrituz, honako hau

EBAZTEN DUT:

Lehenengoa.— Ibilgailuen azterketa teknikoaren zerbitzuaren emakidadunek 2026. urterako eska ditzaketen tarifen zerrenda eguneratua eta kontsolidatua argitaratzea.

Bigarrena.– Ebazpen hau Euskal Herriko Agintaritzaren Aldizkarian argitaratu dadila agintzea.

Ebazpen honek ez dio amaiera ematen administrazio-bideari, eta, beraren aurka, gora jotzeko errekurtoa aurkeztu ahal izango zaio Industria Sustatzeko sailburuordeari, hilabeteko epean, ebazpena Euskal Herriko Agintaritzaren Aldizkarian argitaratu eta hurrengo egunetik aurrera, Administrazio Publikoen Administrazio Prozedura Erkidearen urriaren 1eko 39/2015 Legearen 121. artikuluan xedatutakoaren arabera.

Vitoria-Gasteiz, 2025eko abenduaren 1a.

Garapenaren eta Industria Administrazioaren zuzendaria,
JOSE LUIS AZKUE ARRASTOA.

I. ERANSKINA
ALDIZKAKO AZTERKETEN TARIFAK

Ibilgailu mota	Dieseldunen tarifa		Gasolinadunen, hibridoen eta gainerakoen tarifa		Elektrikoen tarifa	
	Prezioa (eurotan)	Prezioa % 21eko BEZa barne (eurotan)	Prezioa (eurotan)	Prezioa % 21eko BEZa barne (eurotan)	Prezioa (eurotan)	Prezioa % 21eko BEZa barne (eurotan)
L	L ibilgailuak, behean aipatutakoak izan ezik L5e-B, L6e-B, L7e-A2, L7e-B2 y L7e-C (kuatriziklo kabinadunak eta antzekoak)	24,99	30,24	24,99	30,24	21,94
		47,72	57,74	45,69	55,28	43,87
		47,72	57,74	45,69	55,28	43,87
M	M1 M2, M3	69,46	84,05	68,24	82,57	66,42
		47,72	57,74	45,69	55,28	43,87
N	N1 N2, N3	69,46	84,05	68,24	82,57	66,42
		42,64	51,59	0,00	0,00	0,00
O	T eta nekazaritzako beste batzuk.	38,31	46,35	0,00	0,00	0,00
T eta nekazaritzako beste batzuk.	Obra eta zerbitzuetarako ibilgailu bereziak eta makina autopropultsatuak.	69,46	84,05	68,24	82,57	66,42
		69,46	84,05	68,24	82,57	66,42
Zirkulazio-estazio mugikorak.	Zirkulazio-estazio mugikorak.	69,46	84,05	68,24	82,57	66,42
Zirkulazio-estazio mugikorak.	Zirkulazio-estazio mugikorak.	69,46	84,05	68,24	82,57	66,42

Oharra: Trafikoko Buruzagitza Nagusiaren Ibilgailuen Erregistroan ibilgailuen azterketa teknikoaren emaitza idazteagatik tasa gehituko zaie tarifa horiei, azterketa derrigorrezkoa denean.

II. ERANSKINA

ERREFORMEN TARIFAK

Eranskin honetan ezartzen den erreformen tarifari III. eranskinean datorren izapidetze-tarifa ere aplikatuko zaio, indarrean dagoen Ibilgailu Erreformen Eskuliburuan aipatutako «erreforma-kode» bakoitzeko (866/2010 Dekretuan jasotzen da eskuliburu hori).

Erreforma batean ibilgailuaren masa edo ardatzen arteko masa-banaketa aldatzen bada, pisatze-tarifa aplikatuko da, dagokion azterketa teknikoaren tarifaz gain. Pisatze-tarifa, hala badagokio, behin baino ez da aplikatuko, nahiz eta aldi berean egiten diren erreforma batek baino gehiagok behar izan pisatze-eragiketa hori.

Erreforma izapidetzeko ezinbestekoa denean proiektua aurkeztea, proiektua berrikusteko tarifa gehituko da.

	Dieseldunen tarifa		Gasolinadunen, hibridoen eta gainerakoen tarifa		Elektrikoen tarifa	
	Prezioa (eurotan)	Prezioa % 21eko BEZa barne (eurotan)	Prezioa (eurotan)	Prezioa % 21eko BEZa barne (eurotan)	Prezioa (eurotan)	Prezioa % 21eko BEZa barne (eurotan)
Erreformaren tarifa	48,74	58,97	48,74	58,97	48,74	58,97
Proiektua berrikustea	24,37	29,49	24,37	29,49	24,37	29,49

III. ERANSKINA

BESTELAKO AZTERKETA ETA ZERBITZUEN TARIFAK

	Tarifa	
	Prezioa (eurotan)	Prezioa % 21eko BEZa barne (eurotan)
Izapidetzea	13,09	15,84
Ibilgailuak pisatzea	16,66	20,16
Matrikulatu aurretiko azterketa	45,16	54,64
Eskola-garraioaren eta adingabeen garraioaren azterketa espezifikoa	36,57	44,25
Azterketa partziala	Behar den aldizkako azterketaren % 50, gehienez % 100	
Joan-etorrien gastuak (kilometroko)	0,68	0,82
Lekualdatzeagatiko gutxieneko fakturazioa	13,82	16,72
Eginbidea	6,33	7,66

OHARRAK

1.– Matrikulatu aurretiko azterketarako adierazitako tarifari honako hauek gehituko zaizkio: ibilgailuaren kategoriaren arabera dagokion aldizkako azterketaren tarifa, eta, hala badagokio, erreformen erregularizazioa izapidetzeko tarifa eta ibilgailua pisatzeko tarifa.

2.– Eskola-garraioaren azterketa espezifikoa aplikatuko zaie garraio mota horretan alta emanda dauden M2 eta M3 kategorietako ibilgailuei, eta hori aldizkako azterketaren tarifari gehituko zaio.

3.– Eskola-garraioaren tarifa hori bera aplikatuko zaie eskola-garraioaren alta-erreformei, eta erreformen tarifari gehituko zaio.

4.– Ibilgailu arinen azterketetan, batez ere taxien kasuan, ez da eskola-garraioaren tarifa aplikatuko, baldin eta taxien eskola-garraioaren azterketa espezifikoak badira eta ibilgailuaren aldizkako azterketarekin batera egiten badira; aitzitik, aplikatu egingo da, eskola-garraioaren azterketa espezifikoa soilik egiten bada.